

四庫全書

集部

欽定四庫全書

御選古文淵鑒卷三目錄

周

左傳

晉楚鄢陵之戰

成公十六年

晉悼公復霸

成公十八年

祁奚請老

襄公三年

晉魏絳對晉侯

襄公三年

晉悼公繇上治兵

襄公十三年

晉師曠論衛人出君

襄公十四年

宋子罕辭玉

襄公十五年

魯臧孫論詰盜

襄公二十一年

鄭子產論重幣

襄公二十四年

子產然明論政

襄公二十五年

吳公子請觀周樂

襄公二十九年

衛北宮文子相襄公如楚

襄公三十一年

子產不毀鄉校

襄公三十一年

子產論尹何為邑

襄公三十一年

衛北宮文子論威儀

襄公三十一年

子產論晉侯疾

昭公元年

晏嬰叔向論齊晉

昭公三年



欽定四庫全書

御選古文淵鑒卷三

內閣學士兼禮部侍郎教習庶吉士臣徐乾學等奉

旨編注

周

左傳

晉楚鄆陵之戰

成公十六年

晉侯厲公將伐鄭范文子曰若逞吾願諸侯皆叛晉可以

晉楚鄆陵之戰范文子始終持不輕

戰之議可謂老成謀國不以勝楚而微有矜心也其論外寧內憂與孟子生於憂患之言正相發明

環谷汪克寬曰春秋二百四十二年中國勝楚者惟城濮鄢陵而已自宋襄泓之敗楚衛行諸

逞若唯鄭叛晉國之憂可立俟也樂武子曰不可以當

吾世而失諸侯必伐鄭乃興師樂書將中軍士燮佐之

卻錡將上軍荀偃佐之

卻錡卻克子荀偃荀庚子林父孫

韓厥將下軍

卻至佐新軍荀瑩居守卻犇如衛

卻犇卻克從父兄弟

遂如齊皆

乞師焉樂魫來乞師

樂魫樂書子

孟獻子曰

孟獻子魯大夫仲孫蔑

有

勝矣戊寅晉師起鄭人聞有晉師使告於楚姚句耳與

往

句耳鄭大夫

楚子

共王

救鄭司馬將中軍

子反

令尹將左

子重右

尹子辛將右

公子壬夫

過申子反入見申叔時曰師其何如

夏至城濮而沮其志自荀林父邲之戰楚之陵駕尤甚嬰齊盟蜀諸侯之大夫從之者十有一國至鄢陵而挫其鋒前此未有中國諸侯助楚以戰中國者惟鄢陵之後鄭伯佐楚共以敵晉使無呂錡射目之勝則楚將倚鄭為援長驅中原其言可勝言

對曰德刑詳義禮信戰之器也

詳祥也古字同

德以施惠刑以

正邪詳以事神義以建利禮以順時信以守物民生厚

而德正用利而事節時順而物成上下和睦周旋不逆

求無不具各知其極故詩曰立我烝民莫匪爾極

周頌思文

篇是以神降之福時無災害民生敦龐和同以聽莫不

盡力以從上命致死以補其闕此戰之所由克也今楚

內棄其民而外絕其好瀆齊盟而食話言奸時以動而

疲民以逞民不知信進退罪也人恤所底

底至也音旨

其誰



耶所可惜者屬公不能修政於內而徒務求逞於外述其所為去楚虔無幾耳  
息齋高閼曰凡楚師之敗必行兵法於主將而死之春秋之世楚實強於天下其所以能強者兵強也兵所以能強者將帥之力也將帥之所以力者賞罰行

致死子其勉之吾不復見子矣姚句耳先歸子駟問焉

子駟鄭對曰其行速過險而不整速則失志不整喪列

志失列喪將何以戰楚懼不可用也五月晉師濟河聞

楚師將至范文子欲反曰我偽逃楚可以紓憂夫合諸

侯非吾所能也以遺能者我若羣臣輯睦以事君多矣

武子曰不可六月晉楚遇於鄢陵范文子不欲戰卻至

曰韓之戰惠公不振旅在僖十五年箕之役先軫不反命在僖

三十年邲之師荀伯不復從在宣十二年皆晉之恥也子亦見

也二百四十二年之間敗績者凡十有六而楚居三焉城濮之敗殺得臣鄢陵之敗殺公子側柏舉之敗蒙瓦逃刑而奔鄭至于中國之敗績凡十有三不聞加兵法於一主將者國勢浸弱遂成姑息漢魏而下率皆踵之端可為鑑

先君之事矣今我辟楚又益恥也文子曰吾先君之亟戰也有故秦狄齊楚皆彊不盡力子孫將弱今三彊服矣敵楚而已惟聖人能外內無患自非聖人外寧必有內憂盍釋楚以為外懼乎甲午晦楚晨壓晉軍而陳軍吏患之范匄趨進匄士曰塞井夷竈陳於軍中而疏行首疏行首者當陳前決開營壘為戰道晉楚惟天所授何患焉文子執戈逐之曰國之存亡天也童子何知焉欒書曰楚師輕窵固壘而待之三日必退退而擊之必獲勝焉郤至曰楚

臣熙曰楚師輕  
寵晉師整暇是  
一篇眼目記事  
詳而用字用句  
俱極陡健秦漢  
以下不能及也

有六間不可失也其二卿相惡

子重子反二卿相惡

王卒以舊

親兵

罷老鄭陳而不整蠻軍而不陳陳不違晦

晦月終盡陰兵家所忌

在陳而囂合而加囂各顧其後莫有鬪心舊不必良以

犯天忌我必克之楚子登巢車以望晉軍

巢車車上為櫓

子重

使大宰伯州犂侍於王後

州犂晉伯宗子前年奔楚

王曰騁而左右

何也曰召軍吏也皆聚於中軍矣曰合謀也張幕矣曰

虔卜於先君也徹幕矣曰將發命也甚囂且塵上矣曰

將塞井夷竈而為行也皆乘矣左右執兵而下矣曰聽

臣正治曰伯州  
犂晉人也而在  
楚苗賁皇楚人  
也而在晉當戰  
之時盡輸國情  
以告敵人古所  
謂失賢材以為  
敵國之資於此  
益信

誓也戰乎曰未可知也乘而左右皆下矣曰戰禱也伯

州犂以公卒告王苗賁皇在晉侯之側亦以王卒告賁皇

楚鬬椒子宣皆曰國士在且厚不可當也晉侯左右皆

楚知晉之情且謂四年奔晉苗賁皇言於晉侯曰楚之良在其中

軍王族而已請分良以擊其左右而三軍萃於王卒必

大敗之公筮之史曰吉其卦遇復震下坤上曰南

國蹇射其元王中厥目蹇子六反國蹇王傷不敗何待公從

之有淖於前乃皆左右相違於淖步殺御晉厲公步殺

殺卻至弟欒鍼為右

欒書

彭名御楚共王潘黨為右石首御

鄭成公唐荀為右欒范以其族夾公行陷於淖欒書將

載晉侯鍼曰書退國有大任焉得專之

在君前故子名其父

且侵

官冒也失官慢也離局姦也有三罪焉不可犯也乃掀

公以出於淖

掀許言反

癸巳潘阝之黨與養由基蹲甲而射

之徹七札焉

黨潘阝之子蹲聚也。蹲在尊反

以示王曰君有二臣如

此何憂於戰王怒曰大辱國詰朝爾射死藝呂錡夢射

月中之退入於泥

呂錡魏錡

占之曰姬姓日也異姓月也必

楚王也射而中之退入於泥亦必死矣及戰射共王中

目王召養由基與之兩矢使射呂錡中項伏弋弋以衣

一矢復命卻至三遇楚子之卒見楚子必下免胄而趨

風楚子使工尹襄問之以弓也問遺曰方事之殷也有韎

韋之跗注君子也

韎赤色跗注戎服若袴而屬於韎與袴連韋熟皮也。韎音妹識見

不穀而趨無乃傷乎卻至見客免胄承命曰君之外臣

至從寡君之戎事以君之靈間蒙甲胄

間猶近也

不敢拜命

敢告不寧君命之辱為事之故敢肅使者

肅肅手至地

三肅

使者而退晉韓厥從鄭伯

從逐也

其御杜溷羅曰速從之

其御屢顧不在馬可及也韓厥曰不可以再辱國君乃

止

成二年鞏戰韓厥已辱齊侯

卻至從鄭伯其右弗翰胡曰謀輅之余

從之乘而俘以下

欲遣輕兵單進以距鄭伯車前而自後登車以執之○輅五稼反

卻

至曰傷國君有刑亦止石首曰衛懿公唯不去其旗是

以敗於熒乃內旌於弢中

熒戰在閔二年

唐荀謂石首曰子在

君側敗者壹大

謂軍大崩也

我不如子子以君免我請止

言首

亦君之親臣而執御與車右不乃死楚師薄於險叔山

同故首當御君而退已當死戰

冉謂養由基曰雖君有命為國故子必射乃射再發盡  
殪叔山冉搏人以投中車折軾晉師乃止囚楚公子茂  
樂鍼見子重之旌請曰楚人謂夫旌子重之麾也彼其  
子重也日臣之使於楚也子重問晉國之勇臣對曰好  
以衆整曰又如何臣對曰好以暇今兩國治戎行人不使  
不可謂整臨事而食言不可謂暇請攝飲焉攝持也公許  
之使行人執榼承飲造於子重曰寡君乏使使鍼御持  
矛是以不得犒從者使某攝飲子重曰夫子嘗與吾言



於楚必是故也不亦識乎

識記也謂能記往日之言

受而飲之免使

者而復鼓旦而戰見星未已子反命軍吏察夷傷補卒

乘繕甲兵展車馬鷄鳴而食唯命是聽晉人患之苗賁

皇徇曰蒐乘補卒秣馬利兵修陳固列蓐食申禱明日

復戰乃逸楚囚

逸縱也

王聞之召子反謀穀陽豎獻飲於

子反

穀陽子反內豎

醉而不能見王曰天敗楚也夫余不

可以待乃宵遁晉入楚軍三日穀范文子立於戎馬之

前曰君幼諸臣不佞何以及此君其戒之周書曰惟命

臣德宜曰范文子以克敵為懼知晉之患不在楚也若聖人輯

寧四方居安思危豈復有厲戶之虞故曰惟聖人能內外無患

臣廷敬曰國有數人各數事繁賸而不厭問雖而成章樂鐵所云整暇左氏殆自以品其文乎

不於常有德之謂

周書康誥

楚師還及瑕

瑕楚地

王使謂子反

曰先大夫之覆師徒者君不在

謂子玉敗城濮時王不在軍

子無以

為過不穀之罪也子反再拜稽首曰君賜臣死死且不

朽臣之卒實奔臣之罪也子重使謂子反曰初隕師徒

者而亦聞之矣盍圖之

而汝也言初子玉喪師自殺

對曰雖微先大

夫有之

言雖無先大夫子玉自殺之事

大夫命側側敢不義

言子重以義責我敢

不引義

側亡君師敢忘其死王使止之弗及而卒

晉厲公既

勝並驕范文子自裁公聽嬖臣諧殺三郤為樂書所載晉國大亂皆如文子之言尋迎悼公入立復霸。按西

山真氏文章正宗錄左丘明文為冠分辭命議論叙事  
三條而叙事最有體要如伐楚盟召陵齊桓公之霸也  
戰于韓秦晉兵爭之始也戰于泓宋襄求霸之終事也  
戰于城濮晉文公之霸也濟河焚舟秦穆公之霸也戰  
于邲楚莊王之霸也鄆陵之戰言楚之不競也三代以  
後王降而霸春秋首尾大約皆五霸之事左氏纖悉具  
備而叙次城濮邲鄆陵之戰為史家權輿讀者詳焉

晉悼公復霸

成公十八年

二月乙酉朔晉悼公即位于朝

厲公殺絕故悼公不以嗣子居喪

始命

百官施舍已責

施恩惠舍勞役止逋責

逮鰥寡

惠及微民

振廢滯

起舊德

匡乏困救災患禁淫慝薄賦斂宥罪戾節器用時用民

晉悼公初政發令用人一時井然躋舉辟壘頓新文亦簡嚴有法

水心葉適曰叙晉悼公復霸及

叔向與晏子語國之興衰全在人主及一二賢智合德之臣其餘只是隨大勢起倒  
晦庵朱熹曰晉悼公甚次第才甚高只十四歲說話便有操有縱繞歸晉做得便別當時晉室大段費力及悼公歸來不知如何便做得恁地好如久而積陰

欲無犯時使魏相士魴魏頡趙武為卿相魏錡子魴士會子頡魏頡子

武趙朔子此四人父祖皆有勞於晉國荀家荀會樂厲黑韓無忌為公族大

夫使訓卿之子弟共儉孝弟無忌韓厥子使士渥濁為大傅

使修范武子之法渥濁士貞子范武子士會也為景公大傅右行辛為司空

使修士蔦之法辛將右行因以為氏士蔦獻公司空也弁糾御戎校正屬

焉弁糾樂糾也校正主馬官使訓諸御知義戎士尚節義荀賓為右司士

屬焉司士車右之官使訓勇力之士時使勇力多不順命故卿訓之以共時之使卿

無共御立軍尉以攝之省卿戎御令軍尉攝御而已祁奚為中軍尉

忽遇天晴光景  
為之一新問勝  
桓公否曰儘勝  
但桓文是白地  
做起來悼公是  
見成基址甚嘗  
謂晉悼公宇文  
周武帝周世宗  
三人才一般  
都做件事都是  
一做便成  
臣鴻緒曰悼公  
繼厲即位能抑  
書僎之推選是  
賢良修明法紀  
視文公初政更覺

羊舌職佐之魏絳為司馬

魏犇子也

張老為候奄鐸遏寇為

上軍尉藉偃為之司馬

偃藉談父為司馬

遇於葛反

使訓卒乘親

以聽命

相親以聽上命

程鄭為乘馬御六駟屬焉使訓羣駟知

禮

乘馬御乘車之僕也六駟周禮侯國有六閭馬乘車尚禮容故訓羣駟使知禮

凡六官之長

皆民譽也

大國三卿晉時置六卿為軍帥故總舉六官則知羣官無非其人。長丁丈反

舉不

失職官不易方

官守其業無相踰易

爵不踰德

量德受爵

師不陵正旅

不逼師

正軍將命卿也師二千五百人之帥也言上下有禮不相陵逼

民無

謗言所以復霸也

規模廣遠三駕之烈基於斯矣

善善惡惡之間因有私心而後有嫌疑故避嫌非君子之道也祁奚之心忘乎讐與子而唯才是舉心如皎日何復嫌疑可為後世人臣舉賢之法

水心葉適曰祁奚能舉善善千世之通義也善之所在安有偏

祁奚請老 襄公三年

祁奚請老晉侯問嗣焉

晉侯悼公嗣續其職者

稱解狐其讐也將

立之而卒又問焉對曰午也可

午祁奚子

於是羊舌職死矣

晉侯曰孰可以代之對曰赤也可

赤職之子伯華

於是使祁午

為中軍尉羊舌赤佐之君子謂祁奚於是能舉善矣稱

其讐不為諂立其子不為比舉其偏不為黨商書曰無

偏無黨王道蕩蕩

商書洪範

其祁奚之謂矣解狐得舉祁午

得位伯華得官建一官而三物成

物事

能舉善也夫唯

黨偏黨宋世之  
論也末世以偏  
黨錮善

善故能舉其類詩云惟其有之是以似之祁奚有焉小雅

華篇

晉魏絳對晉侯襄公三年

魏絳之行法晉侯  
之謝過親賢賢  
魚得其義

晉侯之弟揚干亂行於曲梁

行陳次曲梁晉地

魏絳戮其僕

魏絳

魏犢

晉侯怒謂羊舌赤曰合諸侯以為榮也揚干為戮

何辱如之必殺魏絳無失也對曰絳無貳志事君不辟

難有罪不逃刑其將來辭何辱命焉言終魏絳至授僕

人書將伏劍士魴張老止之

士魴士會子

公讀其書曰日君

臣乾學曰國容  
不及軍軍容不  
入國絳之能立  
武也晉侯始怒  
而旋用之可謂  
能任將矣齊穰  
苴斬莊賈漢胡  
建誅監軍御史  
唐李光弼殺崔  
衆皆本諸此

乏使使臣斯司馬

斯此也

臣聞師衆以順為武軍事有死

無犯為敬君合諸侯臣敢不敬君師不武執事不敬罪  
莫大焉臣懼其死以及揚干無所逃罪不能致訓至於  
用鉞臣之罪重敢有不從以怒君心請歸死於司寇公  
跣而出曰寡人之言親愛也吾子之討軍禮也寡人有  
弟弗能教訓使干大命寡人之過也子無重寡人之過  
敢以為請晉侯以魏絳為能以刑佐民矣反役與之禮

食使佐新軍

羣臣旅會今欲顯絳故特為設禮食



晉悼公繇上治兵

襄公十三年

卿大夫民之表也  
堂陸之上有競進

之心無怙讓之雅  
何以化民成俗晉  
諸卿借讓於上民  
以大和表正影端  
其捷如此

仁山金履祥曰  
魯以三分公室  
而作三軍晉亦  
以三軍無帥而  
復三軍非能復  
古也然以魏絳

荀瑩士魴卒晉侯蒐于繇上以治兵使士勾將中軍

士勾

士燮子辭曰伯游長伯游昔臣習於知伯是以佐之非能

賢也請從伯游荀偃將中軍士勾佐之使韓起將上軍

辭以趙武韓起又使欒黶辭曰臣不如韓起韓起願

上趙武君其聽之使趙武將上軍韓起佐之欒黶將下

軍魏絳佐之新軍無帥晉侯難其人使其什吏率其卒

乘官屬以從於下軍禮也晉國之民是以大和諸侯遂

之能而不以為  
帥初使佐新軍  
至是廢新軍而  
復佐下軍非特  
晉悼不以為帥  
而諸卿護善亦  
不及焉又不知  
其何說也漢馬  
援善謀孔明使  
為將而卒敗晉  
悼此舉或者其  
無孔明之失與  
臣英曰虞夏命  
官以尊嚴並授  
之賢猶文讓其  
下唐宋諸臣時

睦君子曰讓禮之主也范宣子讓

范宣子即士句

其下皆讓樂

麋為汰弗敢違也晉國以平數世賴之刑善也夫一人

刑善百姓休和可不務乎書曰一人有慶兆民賴之其

寧惟永其是之謂乎

周書呂刑

周之興也其詩曰儀刑文王

萬邦作孚

大雅文王篇

言刑善也及其衰也其詩曰大夫不

均我從事獨賢

小雅北山篇

言不讓也世之治也君子尚能

而讓其下小人農力以事其上是以上下有禮而讒慝

黜遠由不爭也謂之懿德及其亂也君子稱其功以加

有讓官表所以  
砥礪康隅獎掖  
恬素莫重於此

典重醇茂處似國  
語在左傳中別為  
一格

康侯胡安國曰  
春秋端本清源  
之書故不書所  
逐之臣而以自

小人小人伐其技以馮君子。馮亦度也。馮音憑。是以上下無禮  
亂虐並生由爭善也謂之昏德國家之敝恒必由之

晉師曠論衛人出君

襄公十四年

師曠侍於晉侯

師曠晉樂大  
師字子野

晉侯曰衛人出其君

是年  
衛孫

林父逐衛  
獻公奔齊

不亦甚乎對曰或者其君實甚良君將賞善

而刑淫養民如子蓋之如天容之如地民奉其君愛之  
如父母仰之如日月敬之如神明畏之如雷霆其可出  
乎夫君神之主而民之望也若困民之主匱神乏祀百

奔為名所以傲  
乎人君為後世  
鑒也

水心葉適曰師  
曠言立君之義  
乃古人遺說孟  
子蓋知之

姓絕望社稷無主將安用之弗去何為天生民而立之

君使司牧之勿使失性有君而為之貳使師保之貳卿佐

勿使過度是故天子有公諸侯有卿卿置側室側室支子之官

大夫有貳宗貳宗宗子之副貳者士有朋友庶人工商皂隸牧圉

皆有親暱以相輔佐也善則賞之過則匡之患則救之

失則革之自王以下各有父兄子弟以補察其政史為

書謂大史君舉則書瞽為詩為詩以風刺工誦箴諫工樂人也誦箴諫之辭大

夫規誨士傳言士卑不得徑達聞君過失傳告大夫庶人諂庶人不與政聞君過則諱

臣莢曰天之立君以爲民也故君必畏天畏天則勤民曠也君耳也其言可以司聽

古帝王捐金抵璧不責異物惟賢材是重稼穡是務知國家之所實在此

金匱要略卷三  
諸商旅於市

旅陳也陳其貨物以示時所貴尚

百工獻藝

獻其技藝以喻政事故

夏書曰道人以木鐸徇于路

夏書胤征篇道人行人之官也木鐸木舌金鈴徇于

路求歌謠之言

官師相規工執藝事以諫正月孟春於是乎有

之諫失常也天之愛民甚矣豈其使一人肆於民上以從其淫而棄天地之性必不然矣

宋子罕辭玉

襄公十五年

宋人或得玉獻諸子罕

司城子罕

弗受獻玉者曰以示

玉人玉人以為寶也故敢獻之子罕曰我以不貪為寶

不在彼也獻玉而子罕不受可謂智矣

古人不納叛臣蓋所以昭君臣之大義明古今之大防不貪其利而容之也邾庶其竊地來奔魯國容之臧武

爾以玉為寶若以與我皆喪寶也不若人有其寶稽首而告曰小人懷璧不可以越鄉納此以請死也子罕寘諸其里使玉人為之攻之攻治也富而後使復其所賣玉得富而後使或人歸於其所居

魯臧孫論詰盜

襄公二十一年

邾庶其

邾曹姓庶其邾大夫

以漆間丘

二邑

來奔季武子以公姑姊

妻之

季武子魯大夫季孫宿

皆有賜於其從者於是魯多盜季孫

謂臧武仲曰

臧武仲魯大夫臧孫統

子盍詰盜

詰治也

武仲曰不可

仲謂之實盜其首  
嚴矣

西山真德秀曰  
李孫賞盜而已  
非為盜也而賊  
武仲乃曰上之  
所為民亦為之  
何哉蓋季氏是  
時頗有魯國凡  
土地貢賦名器  
威福君所有者  
皆竊以為己物  
非盜而何故賊  
武仲因事而規  
之其言深有味  
云

詰也紇又不能季孫曰我有四封而詰其盜何故不可  
子為司寇將盜是務去若之何不能武仲曰子召外盜  
而大禮焉何以止吾盜子為正卿而來外盜使紇去之  
將何以能庶其竊邑於邾以來子以姬氏妻之而與之  
邑其從者皆有賜焉若大盜禮焉以君之姑姊與其大  
邑其次皂牧輿馬其小者衣裳劍帶是賞盜也賞而去  
之其或難焉紇也聞之在上位者洒濯其心壹以待人  
軌度其信可明徵也而後可以治人夫上之所為民之

臣士奇曰正朝廷以正百官正百官以正萬民能推武仲之言寧止詰盜

潔已潔躬臣子之義悖入悖出古訓所戒子產象齒焚身之論最為深切

歸也上所不為而民或為之是以加刑罰焉而莫敢不懲若上之所為而民亦為之乃其所也又可禁乎夏書曰念茲在茲釋茲在茲名言茲在茲允出茲在茲惟帝念功大禹謨將謂由已壹也信由已壹而後功可念也庶其非卿也以地來雖賤必書重地也

鄭子產論重幣襄公二十四年

范宣子為政范諸侯之幣重鄭人病之二月鄭伯如晉

子產寓書於子西以告宣子子產鄭大夫公孫僑子西鄭公孫夏寓寄也曰



著明當官者宜銘  
諸座右

水心葉適曰子  
產政幣重直言  
無德與名而已  
若後世之論則  
當有委曲而好  
利之患已成亦  
無肯直受攻者  
蓋以義易利在  
春秋時猶未為  
難事也

子為晉國四隣諸侯不聞令德而聞重幣僑也惑之僑  
聞君子長國家者非無賄之患而無令名之難夫諸侯  
之賄聚於公室則諸侯貳若吾子賴之則晉國貳諸侯  
貳則晉國壞晉國貳則子之家壞何沒沒也沒沒沉將  
焉用賄夫令名德之興也德國家之基也有基無壞無  
亦是務乎有德則樂樂則能久詩云樂只君子邦家之  
基小雅南山有臺篇有令德也夫上帝臨女無貳爾心大雅大  
有令名也夫恕思以明德則令名載而行之是以遠至

為政者保愛善民  
如農夫之育嘉穀  
剪除奸惡如農夫  
之去惡草故曰政

邇安毋寧使人謂子子實生我而謂子浚我以生乎

浚取

也

象有齒以焚其身賄也宣子說乃輕幣是行也鄭伯

朝晉為重幣故且請伐陳也鄭伯稽首宣子辭子西相  
曰以陳國之介恃大國而陵虐于敝邑寡君是以請罪  
焉敢不稽首

子產然明論政

襄公二十五年

晉程鄭卒

程鄭荀氏別族

子產始知然明

然明破蔑前年然明謂程鄭將死今如其

言故問為政焉對曰視民如子見不仁者誅之如鷹鷂

如農功

李札以樂論列國之風上及三代之盛禁如指掌即孟子所謂聞其樂而知其德也三百篇即當時樂章其審

之逐鳥雀也子產喜以語子大叔游吉也且曰他日吾見蔑之面而已今吾見其心矣子大叔問政於子產子產曰政如農功日夜思之思其始而成其終朝夕而行之行無越思如農之有畔其過鮮矣

吳公子請觀周樂

襄公二十九年

吳公子札來聘

吳姬姓子爵泰伯後至壽夢始大僭稱王公子札壽夢子

見叔孫穆

子

魯大夫叔孫豹

說之謂穆子曰子其不得死乎好善而不能

擇人吾聞君子務在擇人吾子為魯宗卿而任其大政

聽入微處尤當與  
六義參看

水心葉適曰李  
子之觀樂以音  
聲論義理

不慎舉何以堪之禍必及子

昭四年豎牛作亂殺穆子

請觀於周樂

魯以周公故有天子禮樂

使工為之歌周南召南曰美哉始基之矣

猶未也

猶有商紂未盡善也

然勤而不怨矣為之歌邶鄘衛曰美

哉淵乎憂而不困者也吾聞衛康叔武公之德如是是

其衛風乎

言三國同是衛風

為之歌王曰美哉思而不懼其周

之東乎為之歌鄭曰美哉其細已甚民弗堪也是其先

亡乎為之歌齊曰美哉泱泱乎大風也哉

泱泱弘大之聲。泱於良

反表東海者其大公平國未可量也為之歌豳曰美哉

蕩乎樂而不淫其周公之東乎為之歌秦曰此之謂夏  
聲夫能夏則大大之至也其周之舊乎為之歌魏曰美  
哉颯颯乎

颯颯中庸之聲  
○颯扶弓反

大而婉險而易行以德輔此

則明主也為之歌唐曰思深哉其有陶唐氏之遺風乎  
不然何憂之遠也非令德之後誰能若是為之歌陳曰  
國無主其能久乎自鄒以下無譏焉為之歌小雅曰美  
哉思而不貳怨而不言其周德之衰乎猶有先王之遺  
民焉為之歌大雅曰廣哉熙熙乎曲而有直體其文王

臣叔元曰論詩  
至頌而曰威德

之所同論樂至  
黏而曰德至矣  
哉以德為主則  
其他貞淫得失  
莫之能違矣此  
孝札之微旨也  
臣杜鈞曰季子  
慧心卓識自當  
獨絕千古篇中  
逐句轉折逐段  
變化極其縱橫  
跌宕尤是第一  
奇文

臣岳頌曰吳季  
札僻處南方未

之德乎為之歌頌曰至矣哉直而不倨曲而不屈邇而

不偏遠而不攜遷而不淫復而不厭哀而不愁樂而不

荒用而不匱廣而不宣施而不費取而不貪處而不底

守之以道雖復止處不底滯也行而不流五聲和八風平節有度守有

序盛德之所同也商周同此盛德非必及魯見舞象箭南籥者象箭舞所

執南籥以籥舞也皆文王之樂○箭音朔曰美哉猶有憾美哉美其容也文王恨不及已致太

平見舞大武者武王曰美哉周之盛也其若此乎見舞

韶濩者湯之曰聖人之弘也而猶有慚德慚於始伐聖人之

通中國於觀樂之際能知十五國盛衰與四代升降司馬遷稱其閑覽博物君子不虛也

鄭國多材亦由子產善於委任使各用其所長耳

金匱要略卷三  
難也見舞大夏者

禹之樂

曰美哉勤而不德非禹其誰能

修之見舞韶箭者

舜樂。箭音蕭

曰德至矣哉大矣如天之無

不慍也如地之無不載也雖甚盛德其蔑以加於此矣

觀止矣若有他樂吾不敢請已

衛北宮文子相襄公如楚

襄公三十一年

十二月北宮文子相衛襄公以如楚

文子北宮佗襄公獻公子

宋之

盟故也

晉楚之從交相見也宋之盟在襄二十七年

過鄭印段

公孫黑肱子

廷勞

於棐林如聘禮而以勞辭

用聘禮而用郊勞之辭。廷于況反

文子入聘

水心葉適曰北宮文子所謂有禮見相小國之難也  
臣熙曰子產生平得力只一禮字擇能而使故詞令之美重於春秋

子羽為行人馮簡子與子大叔逆客事畢而出言於衛

侯曰鄭有禮其數世之福也其無大國之討乎詩云誰

能執熱逝不以濯

大雅桑柔篇

禮之於政如熱之有濯也濯

以救熱何患之有

以上文子辭

子產之從政也擇能而使之

馮簡子能斷大事子大叔

游吉

美秀而文公孫揮

子羽能知

四國之為而辨於其大夫之族姓班位貴賤能否而又

善為辭令裨諶能謀謀於野則獲謀於邑則否鄭國將

有諸侯之事子產乃問四國之為於子羽且使多為辭



令與裨諶乘以適野使謀可否而告馮簡子使斷之事  
成乃授子大叔使行之以應對賓客是以鮮有敗事北  
宮文子所謂有禮也

子產不毀鄉校

襄公三十一年

鄭人游於鄉校

鄉之學校

以論執政

論其得失

然明謂子產曰毀

鄉校如何子產曰何為夫人朝夕退而游焉以議執政

之善否其所善者吾則行之其所惡者吾則改之是吾

師也若之何毀之我聞忠善以損怨

為忠善則怨謗息

不聞作

古帝王懸銘設鐸以察過言正所以通幽隱廣聞見也子產不毀鄉校以達輿情故孔子稱之

伯厚王應麟曰  
僞不以防怨為  
善而怨自弭故  
僞與鄭俱昌斯  
以分過為忠而  
過益彰故斯與  
秦俱亡

喻政以美錦又喻  
以田獵所以深著  
不學而仕之戒文  
勢逐段相生奇峭

威以防怨豈不遽止然猶防川大決所犯傷人必多吾  
不克救也不如小決使道不如吾聞而藥之也以為已藥石  
然明曰蔑也今而後知吾子之信可事也小人實不才  
若果行此其鄭國實賴之豈唯二三臣仲尼聞是語也  
曰以是觀之人謂子產不仁吾不信也

子產論尹何為邑

襄公三十一年

子皮罕欲使尹何為邑

為邑大夫

子產曰少未知可否子皮

曰愿吾愛之不吾叛也使夫往而學焉夫亦愈知治矣

古無如層疊複水  
令人尋繹不窮

水心葉適曰我  
小人也衣服附  
在吾身我知而  
慎之大官大邑  
所以託身也我  
遠而慢之子皮  
就自所知分劑  
上言之自有地  
位故雖才智不  
如子產而子產  
為其所用也用  
人之弘乃多於

子產曰不可人之愛人求利之也今吾子愛人則以政

猶未能操刀而使割也其傷實多子之愛人傷之而已

其誰敢求愛於子子於鄭國棟也棟折榱崩

榱所連反

僑將

厭焉

厭於甲反

敢不盡言子有美錦不使人學製焉大官大

邑身之所庇也而使學者製焉其為美錦不亦多乎僑

聞學而後入政未聞以政學者也若果行此必有所害

譬如田獵射御貫

貫習也

則能獲禽若未嘗登車射御則

敗績厭覆是懼何暇思獲子皮曰善哉虎不敏吾聞君

其人之有用此  
理當深察也  
臣正治曰愿吾  
愛之此用人大  
患軟美所為見  
識於司馬也至  
未能操刀而使  
割所害非小宜  
子產委曲折之  
子皮服善亦足  
多焉

子務知大者遠者小人務知小者近者我小人也衣服  
附在吾身吾知而慎之大官大邑所以庇身也我遠而  
慢之微子之言吾不知也他日我曰子為鄭國我為吾  
家以庇焉其可也今而後知不足自今請雖吾家聽子  
而行子產曰人心之不同如其面焉吾豈敢謂子面如  
吾面乎抑心所謂危亦以告也子皮以為忠故委政焉  
子產是以能為鄭國

衛北宮文子論威儀

襄公三十一年

經緯家國之謂禮  
容止進退之謂儀  
分別本末處入微

水心葉適曰令尹圍之不終如何只無威儀見得又說到詩書甚於後人義疏之學也  
臣德宜曰傲慢在心而威儀形之故執玉高卑昔人即以占休

衛侯在楚北宮文子見令尹圍之威儀

楚靈王圍時為令尹

言於

衛侯曰令尹似君矣將有他志雖獲其志不能終也詩

云靡不有初鮮克有終

大雅蕩之篇

終之實難令尹其將不

免公曰子何以知之對曰詩云敬慎威儀惟民之則

大雅

抑之

令尹無威儀民無則焉民所不則以在民上不可

以終公曰善哉何謂威儀對曰有威而可畏謂之威有

儀而可象謂之儀君有君之威儀其臣畏而愛之則而

象之故能有其國家令聞長世臣有臣之威儀其下畏

啓公子園蒲宮  
在會執戈在前  
僭越甚矣文子  
所以決其不終  
也

臣乾學曰威儀  
定命固不可忽  
而持身有本則  
又在威儀之先  
尤當三省也魯  
昭公習儀已亟  
漢成帝臨朝淵  
默尊嚴若神與  
夫穆穆聖皇如  
雲如日者固已

而愛之故能守其官職保族宜家順是以下皆如是

以上下能相固也衛詩曰威儀棣棣不可選也

邶風  
柏舟篇

言君臣上下父子兄弟内外大小皆有威儀也周詩曰

朋友攸攝攝以威儀

大雅既  
醉篇

言朋友之道必相教訓以

威儀也周書數文王之德曰大國畏其力小國懷其德

武成  
篇

言畏而愛之也詩云不識不知順帝之則

大雅皇  
矣篇

言則而象之也紂囚文王七年諸侯皆從之囚紂於是

乎懼而歸之可謂愛之文王伐崇再駕而降為臣蠻夷

不俾矣

子產之論典而核  
醫和之論奧而博  
文特雄奇排宕古  
色陸離

率服可謂畏之文王之功天下誦而歌舞之可謂則之  
文王之行至今為法可謂象之有威儀也故君子在位  
可畏施舍可愛進退可度周旋可則容止可觀作事可  
法德行可象聲氣可樂動作有文言語有章以臨其下  
謂之有威儀也

楚靈王後墓  
位死於乾谿

子產論晉侯疾

昭公元年

晉侯有疾

平公

鄭伯使公孫僑

子產

如晉聘且問疾叔向問

焉

叔向羊舌職  
之子名肸

曰寡君之疾病卜人曰實沈臺駘為祟

駘他史莫之知敢問此何神也子產曰昔高辛氏有二

才反

駘他

子伯曰閼伯

閼於葛反

季曰實沈居於曠林不相能也日尋

干戈以相征討后帝不臧遷閼伯於商丘主辰

商丘宋地主祀

辰星辰大火也

商人是因故辰為商星遷實沈於大夏主參

大夏

晉陽縣參水星也主祀參星

唐人是因以服事夏商其季世曰唐叔

虞當武王邑姜方震大叔

邑姜武王后齊大公之女懷胎為震大叔叔虞

夢帝

謂已余命而子曰虞將與之唐屬諸參而蕃育其子孫及生有文在其手曰虞遂以命之及成王滅唐而封大



叔焉故參為晉星由是觀之則實沈參神也昔金天氏

有裔子曰昧為玄冥師生允格臺駘金天氏帝少皞玄冥水官昧為水官

之長臺駘能業其官慕昧之業宣汾洮宣猶通也汾洮二水名○洮他刀反障大

澤以處大原大原晉陽也帝用嘉之帝顓頊封諸汾川沈姒蓐

黃實守其祀四國臺駘之後今晉主汾而滅之矣由是觀之則

臺駘汾神也抑此二者不及君身山川之神則水旱癘

疫之災於是乎崇之有水旱之災則崇祭山川之神若臺駘者周禮四曰崇祭○崇音詠

日月星辰之神則雪霜風雨之不時於是乎崇之星辰之神

臣是敬曰閱覽  
博物而卒歸之  
於正此儒者之  
言非祝史之說  
也

臣鴻緒曰公孫  
僞博聞多識其  
言可以祛陰陽  
祈禱之誑和所  
論有裨於節情  
治性當是讀書  
見道之流也

若實  
沈者

若君身則亦出入飲食哀樂之事也山川星辰之

神又何為焉僞聞之君子有四時朝以聽政晝以訪問

夕以修令夜以安身於是乎節宣其氣勿使有所壅蔽

湫底以露其體

湫謂氣聚而不散底謂氣泄而不快露羸也。湫子小反。

茲心不爽

而昏亂百度

爽明也。百度百事之節。

今無乃壹之

同四時也。

則生疾矣

僞又聞之內官不及同姓

內官嬪御。

其生不殖美先盡矣則

相生疾

同姓之相與先美矣。美極則盡盡則生疾。

君子是以惡之故志曰買

妾不知其姓則卜之違此二者古之所慎也男女辨姓

臣杜訥曰子產  
微事鑿然則晉  
人之惑不煩言  
而自解養生慎  
疾之道亦莫備  
於此矣

臣英曰此一段  
蘇轍引之作漢  
昭帝論以譏霍  
光謂其不明於

禮之大司也今君內實有四姬焉其無乃是也乎若由  
是二者弗可為也已四姬有省猶可無則必生疾矣叔  
向曰善哉肸未之聞也此皆然矣叔向出行人揮送之  
叔向問鄭故焉且問子皙對曰其與幾何

言將不久

無禮而

好陵人怙富而卑其上弗能久矣

明年鄭殺公孫黑

晉侯聞子

產之言曰博物君子也重賄之晉侯求醫於秦秦伯使

醫和視之曰疾不可為也是謂近女室疾如蠱

蠱惑疾

非

鬼非食惑以喪志良臣將死天命不祐

良臣不匡救君過故不為天所

古大臣保傳之  
義誠焉論也  
臣士奇曰傷之  
言不獨博物可  
以養身和之言  
不獨醫疾可以  
活國

祐公曰女不可近乎對曰節之先王之樂所以節百事

也故有五節五聲之節遲速本末以相及中聲以降五降之

後不容彈矣降罷退也樂有五聲宮君商臣角民徵事羽物其有臣過君民過臣事過民物過事

者則不用正聲而以半聲應之是為五降五降而後則非復正聲於是有煩手淫聲

堙心耳乃忘平和君子弗聽也五降不息則雜聲並奏所謂鄭衛之聲物

亦如之言百事皆如樂不可失節至於煩乃舍也已無以生疾君子

之近琴瑟以儀節也非以愒心也天有六氣降生五味

發為五色徵為五聲淫生六疾六氣曰陰陽風雨晦明

也分為四時序為五節

五行之節

過則為菑陰淫寒疾陽淫

熱疾風淫末疾

末四枝也

雨淫腹疾晦淫惑疾明淫心疾

明畫

也思慮煩多心勞生疾

女陽物而晦時淫則生內熱惑蠱之疾今

君不節不時能無及此乎出告趙孟

武趙

孟曰誰當良

臣對曰主是謂矣主相晉國於今八年晉國無亂諸侯

無闕可謂良矣和聞之國之大臣榮其寵祿任其大節

有菑禍興而無改焉必受其咎今君至於淫以生疾將

不能圖恤社稷禍孰大焉主不能禦吾是以云也趙孟

曰何謂蠱對曰淫溺惑亂之所生也於文皿蟲為蠱

器皿

也器受蟲害者為蠱

穀之飛亦為蠱

穀久積則變為飛蟲名曰蠱

在周易女惑

男風落山謂之蠱



巽下艮上蠱巽為長女艮為少男少男而說長女非匹蠱惑之

象巽為風艮為山山木為風所落蠱壞之象

皆同物也趙孟曰良醫也厚其

禮而歸之

是年十二月趙孟卒

晏嬰叔向論齊晉

昭公三年

齊侯使晏嬰

齊大夫

請繼室于晉曰寡君使嬰曰寡人願

叔向論齊晉切中情事可矣但二子皆大臣明知其

事君朝夕不倦將奉質幣以無失時則國家多難是以

不能救體國  
之謂何詞語  
一 竄峭左氏之

不獲不腆先君之適

謂少姜

以備內官焜耀寡人之望則

又無祿早世隕命寡人失望君若不忘先君之好惠顧

齊國辱收寡人徼福於大公丁公

二公齊先君

照臨敝邑鎮

撫其社稷則猶有先君之適

適夫人之女

及遺姑姊妹

遺餘也

若而人君若不棄敝邑而辱使董振擇之以備嬪嬙寡

人之望也

董正也振整也嬪嬙婦官

韓宣子使叔向對曰寡君之願

也寡君不能獨任其社稷之事未有伉儷在衰經之中

是以未敢請

制夫人之服則葬訖君臣乃釋服

君有辱命惠莫大焉若

西山真德秀曰  
方田氏之初不  
過以小惠市于  
國人而已使景  
公用晏子之言  
修明君臣上下  
之禮使惠施出  
於上而下不得  
私利權歸於上  
而下不得擅則  
大分明而人心  
一雖百田氏其

惠顧敝邑撫有晉國賜之內主豈唯寡君舉羣臣實受

其貺其自唐叔以下實寵嘉之唐叔晉之祖既成昏晏子受

禮受賓享之禮叔向從之晏相與語叔向曰齊其何如晏子

曰此季世也吾弗知齊其為陳氏矣陳厲公佗之子完奔齊是為陳氏

公棄其民而歸於陳氏齊舊四量豆區釜鍾四升為豆

各自其四以登於釜四豆為區區斗六升四區為釜釜六斗四升登成也釜十則

鍾六斛四斗陳氏三量豆區釜三等之量皆登一焉鍾乃大矣登加也加

一謂加舊量之一以五升為豆五豆為一區五區為釜則區二斗釜八斗鍾八斛以家量貸而以



能竊國乎景公乃善之而不能  
用且厚歛焉是  
驅其人而歸之  
也

臣乾學曰國家  
久安長治之道  
不可偏有所重  
輕苟能施惠於  
民即以導揚德  
意如巖下貫珠  
者之論田單則  
亦奚害晉之公  
族榮悴失均浸  
假而偏重之勢

公量收之山木如市弗加於山魚鹽蜃蛤弗加於海

往如

也山木往賣於市價如在山不加貴海  
之雜利往賣於市價如在海不加貴

民參其力二入

於公而衣食其一

言公重賦歛

公聚朽蠹而三老凍餒

三老謂上

壽中壽下壽皆八十已上不見養遇

國之諸市屢賤踊貴

踊則足者屢言則多民人

疾痛而或燠休之

燠休痛念之聲謂陳氏也

其愛之如父母而歸之

如流水欲無獲民將焉辟之箕伯直柄虞遂伯戲

四人皆舜

後陳氏其相胡公大姬已在齊矣

胡公四人之後周始封陳之祖大姬其妃

也叔向曰然雖吾公室今亦季世也戎馬不駕卿無軍

集於三家有識者料之如燭照也  
臣莫曰齊晉之季也皆因弄其民而民無所依而後齊陳以晉三族起而救之故愛民者君之大柄也  
臣叔元曰嬰曰齊其為陳氏胙曰政在家門二國如一轍兩賢憂深慮遠情見乎詞讀之使人

行晉國衰弱不能征討故戎車不復駕馬公乘無人卒

列無長百人為卒言人皆非其人非其長庶民罷敝而宮室滋侈道殣

相望而女富溢尤嬖寵女家富貴過甚民間公命如逃寇讐藥卻

胥原狐續慶伯降在皂隸八姓晉舊臣之族也皂隸賤官政在家門大夫

專民無所依君日不悛以樂慆憂悛改也慆藏也公室之卑其

何日之有讒鼎名也昧旦丕顯後世猶怠昧旦早起

也丕大也言夙興以況日不悛其能久乎晏子曰子將

若何問何以叔向曰晉之公族盡矣胙聞之公室將卑

太息  
臣岳頌曰齊晉  
此時皆晏然使  
二臣各竭其忠  
雖季世猶足自  
立而徒相對歎  
歎惜哉

其宗族枝葉先落則公從之肸之宗十一族

同祖惟羊為宗

惟羊

古氏在而已肸又無子


無賢子

公室無度幸而得死豈其

獲祀

哀五年齊景公卒陳乞弑其君荼立悼公陽生復弑之陳恒又弑悼公子簡公壬至恒曾孫田和卒

有齊國昭二十八年晉滅羊古氏



御選古文淵鑒卷三

欽定四庫全書

集部

御選古文淵鑒卷五

詳校官尚書臣德保

主事銜臣徐以坤覆勘

總校官進士臣朱鈐

校對官編修臣盧遂

謄錄監生臣沈廷棟

欽定四庫全書

御選古文淵鑒卷四目錄

周

左傳

晉司馬侯論三不殆

昭公四年

魯申豐論雨雹

昭公四年

晉女叔齊論魯侯

昭公五年

楚蘧啓疆論辱晉

昭公五年

欽定四庫全書

御選古文淵鑒

卷四目錄

鄭人鑄刑書

昭公六年

芊尹無宇對楚子

昭公七年

魯孟僖子論禮

昭公七年

晉師曠論石言

昭公八年

晉屠蒯諫平公

昭公九年

楚子革對靈王

昭公十二年

晉荀吳不納鼓叛人

昭公十五年

郟子論官名

昭公十七年

晏子諫誅祝史

昭公二十年

晏子論梁丘據

昭公二十年

鄭子太叔對趙簡子論禮

昭公二十五年

晏子論襍

昭公二十六年

仲尼論晉鑄刑鼎

昭公二十九年

邾黑肱以濫奔魯

昭公三十一年

衛祝佗爭先蔡

定公四年

孔子相夾谷之會

定公十年

楚子西論夫差將敗

哀公元年

仲尼論用田賦

哀公十一年



欽定四庫全書

御選古文淵鑒卷四

內閣學士兼禮部侍郎教習庶吉士

臣

徐乾學等奉

旨編注

周

左傳

晉司馬侯論三不殆

昭公四年

四年春王正月許男如楚楚子止之

欲與俱田

遂止鄭伯復

此篇論險不可恃  
一段精嚴雄渾左

傳中堂堂正正之文

臣熙曰議論條達文勢參錯有致

臣廷敬曰是時楚靈方侈未可與爭許之誠是也第所云修德以待其歸自是老臣謹論惜晉

田江南許男與焉

前年楚子已與鄭伯田江南故言復

使椒舉子胥如晉

求諸侯

楚靈王欲專會諸侯使椒舉往晉求之

二君待之

二君鄭許

椒舉致命

曰寡君使舉曰日君有惠賜盟於宋

宋盟在襄二十七年

曰晉楚

之從交相見也以歲之不易

不易言有難

寡人願結驩於二

三君使舉請問君若苟無四方之虞則願假寵以請於

諸侯

欲借君之威寵以致諸侯

晉侯欲勿許司馬侯曰不可楚王方

侈天或者欲逞其心以厚其毒而降之罰未可知也其

使能終亦未可知也晉楚唯天所相不可與爭君其許

侯之不克自振  
耳

之而修德以待其歸若歸於德吾猶將事之況諸侯乎

若適淫虐楚將棄之吾又誰與爭公曰晉有三不殆其

何敵之有國險而多馬齊楚多難有是三者何鄉而不

濟對曰恃險與馬而虞隣國之難是三殆也四嶽東嶽

西嶽華山南嶽衡山北嶽恒山三塗山名大行轅轅峯也陽城在陽城縣東北

大室在河南陽城縣西北荆山在新城汴鄉縣南中南在始平武功縣

九州之險也是不一姓冀之北土燕代馬之所生無興

國焉恃險與馬不可以為固也從古以然是以先王務

修德音以亨神人

亨通也

不聞其務險與馬也隣國之難

不可虞也或多難以固其國啟其疆土或無難以喪其

國失其守宇若何虞難齊有仲孫之難而獲桓公至今

賴之

仲孫公孫無知事在莊九年

晉有里克之難而獲文公是以為

盟主

里克平鄭事在僖九年

衛邢無難敵亦喪之

閔二年狄滅衛僖二十五年衛

滅邢故人之難不可虞也恃此三者而不修政德亡於不

暇又何能濟君其許之紂作淫虐文王惠和殷是以隕

周是以興夫豈爭諸侯乃許楚使使叔向對曰寡君有

臣乾學曰平公初接荆使猶有虛憊疾視之氣及聞司馬侯之

言而轉圓不吝  
亦賢矣哉光武  
之待公孫神亮  
之答李盛皆是  
物也

社稷之事是以不獲春秋時見諸侯君實有之何辱命

焉椒舉遂請昏晉侯許之楚子問於子產曰晉其許我

諸侯乎對曰許君晉君少安

少安猶言少情

不在諸侯其大夫

多求

貪也

莫匡其君在宋之盟又曰如一

同也

若不許君

將焉用之

焉用宋盟

王曰諸侯其來乎對曰必來從宋之盟

承君之歡不畏大國

大國晉也

何故不來不來者其魯衛曹

邾乎曹畏宋邾畏魯魯衛偏於齊而親於晉唯是不來

其餘君之所及也誰敢不至王曰然則吾所求者無不

可乎對曰求逞於人不可逞快也求人快意人必違之與人同欲盡濟

魯申豐論雨電昭公四年

大雨電季武子問於申豐曰電可禦乎禦止也對曰聖人

在上無電雖有不為災古者日在北陸而藏冰謂夏十

二月日在虛危西陸朝覲而出之謂夏三月日在昴畢

冰堅而藏之其藏冰也深山窮谷固陰沍寒於是乎取之

之中奎星其出之也朝之祿位賓食喪祭於是乎用之其藏

古人重藏冰伐冰之禮以其為鑒陰理陽助流德化之一事也

泗山鄒德薄曰七月卒章雖曰藏冰之道然必明君察相變而

理之斯無霜雹  
之災夫豈彌文  
之可弭也而申  
鼎乃望之季氏  
乎

臣德宣曰陰氣  
脅陽雨則凝結  
成雹漢五行志  
所云陰乘陽之

之也黑牡秬黍以享司寒

黑牡黑牲也秬黍黑黍也司寒主冥北方之神故物皆用

黑有事於冰故祭其神

其出之也桃弧棘矢以除其災

桃弓棘箭所以禳除

凶災將御至尊故

其出入也時食肉之祿冰皆與焉大夫命婦

喪浴用冰祭寒而藏之

享司寒

獻羔而啟之

謂二月春分獻羔祭韭始

開冰

公始用之火出而畢賦

火星皆見東方謂三月四月中

自命夫命

婦至於老疾無不受冰

老致仕在家者

山人取之縣人傳之

虞官縣人遂屬輿人納之隸人藏之夫冰以風壯而以風出

風而其藏之也周其用之也徧則冬無愆陽夏無伏陰

徵是也申豐以  
藏冰對季氏其  
猶有隱乎爾

以法紀政令為禮  
之大綱據國勢以  
立論切而不浮

春無淒風秋無苦雨雷出不震無蓄霜電癘疾不降民  
不夭札今藏川池之冰棄而不用風不越而殺雷不發  
而震電之為蓄誰能禦之七月之卒章藏冰之道也七  
月  
詩幽風卒章曰二之日鑿冰沖沖謂十二月鑿而取之  
三之日納于陵陰冰室也四之日其蚤獻羔祭韭謂二  
月春分蚤開冰  
室以薦宗廟

晉女叔齊論魯侯

昭公五年

公如晉自郊勞至于贈賄無失禮晉侯謂女叔齊曰女  
叔

齊即司  
馬侯魯侯不亦善于禮乎對曰魯侯焉知禮公曰何



少春穆文熙曰  
禮在憂國恤民  
用賢行政而昭  
公乃習於威儀  
容止舍本崇末  
卒至乾侯之變  
此其為無禮之  
明驗與魯人衣  
裳楚楚之喻殆  
有類此

為自郊勞至于贈賄禮無違者何故不知對曰是儀也

不可謂禮

言揖讓進退此儀文也  
禮經

禮所以守其國行其政

令無失其民者也今政令在家

在大夫

不能取也有子家

羈弗能用也

羈莊公玄孫懿伯也奸大國之盟

元年會于號尋弭兵之盟季武子伐

莒取鄆  
齊盟

陵虐小國利人之難

謂往年莒亂而取鄆

不知其私不自知有

私公室四分民食于他

他謂三家也言魯君與民無異

思莫在公不圖

其終

無為公謀  
終始者

為國君難將及身不恤其所禮之本末

將於此乎在

在恤民與憂國

而屑屑焉習儀以亟言善於禮不

韓起叔向皆晉之  
賢是時晉國人材  
方盛故楚畏之而  
不敢辱古云山有  
猛獸藜藿不採  
採於此並信

西山真德秀曰  
晉於是時人材

亦遠乎君子謂叔侯於是乎知禮

時晉侯方失政叔齊以此諷諫昭二十五

年亦孫於齊

楚薳啟疆論辱晉

昭公五年

晉韓宣子如楚送女叔向為介鄭子皮子大叔勞諸索

氏

河南城皋縣東有大索城

大叔謂叔向曰楚王汰侈已甚子其戒

之叔向曰汰侈已甚身之災也焉能及人若奉吾幣帛

慎吾威儀守之以信行之以禮敬始而思終終無不復

從而不失儀敬而不失威道之以訓辭奉之以舊法考

之多世族之盛如此豈可動哉其後樂卻胥原降為皂隸而晉始弱然則有國者培植人材護養世族正自為計耳昧者乃剪棄而推殘之是自覺其本撤其衛也遂啓疆所陳皆晉國實事故能感悟其君可為人臣言論之法

之以先王

以先王之禮成其好

度之以二國

度晉楚之勢而行之

雖汰侈若

我何及楚楚子朝其大夫曰晉吾仇敵也苟得志焉無

恤其他今其來者上卿上大夫也若吾以韓起為閹

足則

使守門

以羊舌肸為司官

加官刑

足以辱晉吾亦得志矣可

乎大夫莫對遂啟疆曰可苟有其備何故不可恥匹夫

不可以無備況恥國乎是以聖王務行禮不求恥人朝

聘有珪享覲有璋小有述職大有巡功設机而不倚爵

盈而不飲宴有好貨殮有陪鼎入有郊勞出有贈賄禮

臣鴻緒曰遠啓  
疆首言聖王務  
行禮不求恥人  
此是正旨後言  
晉世族之盛不  
可輕舉利害鑿  
然楚子聞之不  
覺退聽可謂善  
於立言矣

之至也國家之敗失之道也則禍亂興城濮之役晉無

楚備以敗於邲

言兵禍始於城濮。邲皮必反。

邲之役楚無晉備以敗

于鄢自鄢以來晉不失備而加之以禮重之以睦

君臣和也

是以楚弗能報而求親焉既獲姻親又欲恥之以名寇

讐備之若何

言何以為備

誰其重此

言怨重

若有其人恥之可

也

謂有賢人以敵晉則可恥之

若其未有君亦圖之晉之事君臣曰

可矣求諸侯而廩至

廩羣也。廩立隕反。

求昏而薦女

薦進也

君親

送之上卿及上大夫致之猶欲恥之君其亦有備矣不

臣英曰春秋時  
各君其國地近  
而勢親故緣累  
毫髮之材皆見  
知於上隣國之  
人亦能歷歷數  
之春秋人才獨  
盛於後世以此  
也

然柰何韓起之下趙成中行吳魏舒范鞅知盈五卿位在韓起

之下皆三軍之將佐也成趙武之子吳荀偃之子舒魏絳之子鞅士句之子盈荀偃之子羊舌肸之

下祁午張趯籍談女齊梁丙張骼輔躒苗賁皇皆諸侯

之選也言非凡人籍談籍偃之子女齊即女叔齊。趙他歷反駱古百反躒力狄反賁音粉選去聲

韓襄為公族大夫韓須受命而使矣襄韓無忌子也為公族大夫須起之

門子年雖幼箕襄邢帶二人韓氏族叔禽叔椒子羽皆韓起已任出使

皆大家也韓賦七邑皆成縣也成縣賦百乘也羊舌四族皆彊

家也四族銅鞮伯華叔向叔魚叔虎兄弟四人。鞮丁兮反晉人若喪韓起楊肸

叔向本羊舌氏食采於楊

五卿八大夫

五卿趙成以下大夫祁午以下

輔韓須楊

石石叔向子

因其十家九縣長穀九百其餘四十縣遺

守四千

計遺守國者尚有四千乘

奮其武怒以報其大恥伯華謀之

伯華叔向兄

中行伯魏舒帥之

伯中行吳

其蔑不濟矣君將以親

易怨

失婚姻之親

實無禮以速寇而未有其備使羣臣往遺

之禽以逞君心何不可之有王曰不穀之過也大夫無

辱

謝遠啟疆

厚為韓子禮王欲教叔向以其所不知而不能

言叔向之多知

亦厚其禮韓起反鄭伯勞諸國

國鄭地名辭

○教五報反

不敢見禮也

鄭人鑄刑書 昭公六年

三月鄭人鑄刑書

鑄刑書於鼎以爲國之常法

叔向使詒子產書曰

始吾有虞於子

虞度也言準度子產以爲已法

今則已矣昔先王議事

子產之鑄刑書用重典以救弊叔向之論刑書在修禮以勝刑一則權時之宜一則經久之道也

以制不爲刑辟懼民之有爭心也

臨事制刑不豫設法也法豫設則民知爭

端猶不可禁禦是故閑之以義糾之以政行之以禮守

之以信奉之以仁制爲祿位以勸其從嚴斷刑罰以威

其淫懼其未也故誨之以忠聳之以行教之以務

時所急

少春穆文熙曰以子產之賢乃

鑄刑書來叔向之譏豈其見不及此哉鄭之公族侈汰民心習於亂亂苟不申之禁令何以責遵守乎治亂國用重典子產其亦不幸而當鄭之亂也夫臣正治曰叔向之言自是正論然子產云吾以救世則以鄭國族大寵多非令甲不足以束之

使之以和

說以

民臨之

以敬

泣之以彊

斷之以剛

猶求聖

哲之上明察之官

上公王也官卿大夫也

忠信之長

慈惠之師

民

於是乎可任使也

而不生禍亂

民知有辟

則不忌於上

權移於法

故並有爭心

以徵於書

而徵幸以成之

文以

因危

生爭緣微幸

弗可為矣

夏有亂政

而作禹刑

商有亂政

而作九刑

周

而作湯刑

夏商之亂著禹湯之法言不能議事以制

周有亂政而作九刑

而作湯刑

夏商之亂著禹湯之法言不能議事以制

周有亂政

而作九刑

周

而作湯刑

夏商之亂著禹湯之法言不能議事以制

周有亂政

而作九刑

周

而作湯刑

夏商之亂著禹湯之法言不能議事以制

周有亂政

而作九刑

周

而作湯刑

夏商之亂著禹湯之法言不能議事以制

周有亂政

而作九刑

周

而作湯刑

夏商之亂著禹湯之法言不能議事以制

周有亂政

而作九刑

周

而作湯刑

夏商之亂著禹湯之法言不能議事以制

周有亂政

而作九刑

周

而作湯刑

夏商之亂著禹湯之法言不能議事以制

周有亂政

而作九刑

周

而作湯刑

夏商之亂著禹湯之法言不能議事以制

周有亂政

而作九刑

周

皆叔世也

今吾子相鄭國

作封洫

在襄三

立謗政

作丘

賦在



也既不承命而  
又云敢忘大惠  
古人服善其虛  
懷如是

臣莢曰刑書以  
禦爭也而民思  
微章賄賂並行  
爭之階也故曰

四制參辟鑄刑書制參辟謂用三代之末法將以靖民不亦難乎詩

曰儀式刑文王之德日靖四方周頌我將篇又曰儀刑文王

萬邦作孚大雅文王篇如是何辟之有民知爭端矣將棄禮

而徵於書錐刀之末將盡爭之錐刀末喻小事亂獄滋豐賄賂

並行終予之世鄭其敗乎胥聞之國將亡必多制數改法

其此之謂乎復書曰若吾子之言僑不才不能及子孫

吾以救世也既不承命敢忘大惠士文伯曰士弱之子句與范宣

予同族火見鄭其火乎火心星周五月昏見火未出而作火以鑄

刻數太至則必有不肖之心應之

無宇始而斷楚子之旌既而執人於王宮楚子終不加罪殆亦賢其斷旌而容之與

伯厚王應麟曰寺人披之斬祛

刑器

刑器鼎也

藏爭辟焉

藏爭罪之法也

火如象之不火何為

是年六月

鄭

芊尹無宇對楚子

昭公七年

楚子之為令尹也為王旌以田

析羽為旌王旌旂至於軫

芊尹無宇

斷之曰一國兩君其誰堪之及即位為章華之宮納亡

人以實之無宇之闇入焉

有罪亡入章華宮

無宇執之有司弗

與

王有司也

曰執人於王宮其罪大矣執而謁諸王

執無宇也

將飲酒無宇辭曰天子經略

經營天下略四海故曰經略

諸侯正封

半尹無宇之斷  
旌其警一也披  
請見而晉文讓  
之無宇執人於  
宮而楚靈赦之  
楚靈之量優於  
晉文矣

臣士奇曰人臣  
事君以名義等  
威為重援引古  
制侃侃言之半  
尹格心楚子從  
諫而得之矣

封疆有  
定分

古之制也封略之內何非君土食土之毛誰非

君臣

毛草也

故詩曰普天之下莫非王土率土之濱莫非

王臣

小雅北山篇

天有十日人有十等

王至臺

下所以事上上

所以共神也故王臣公公臣大夫大夫臣士士臣皂皂

臣與與臣隸隸臣僚僚臣僕僕臣臺馬有圉牛有牧

養馬

曰圉養以待百事今有司曰女胡執人於王宮將焉執

之周文王之法曰有亡荒閱

荒大也閱蒐也蒐人當蒐其衆

所以得

天下也吾先君文王

楚文王

作僕區之法

僕區刑書名

曰盜所

隱器

得器 隱盜所

與盜同罪所以封汝也

行善政故能啟疆北至汝水

若

從有司是無所執逃臣也逃而舍之是無陪臺也

言皆將逃

王事無乃闕乎昔武王數紂之罪以告諸侯曰紂為天

下逋逃主萃淵藪

萃集也天下逋逃悉以紂為淵藪集而歸之

故夫致死焉

人欲致死紂夫音扶

君王始求諸侯而則紂無乃不可乎若以

二文之法取之盜有所在矣

言王亦為盜

王曰取而臣以往

往去也

盜有寵未可得也

王自謂

遂赦之

赦無字

魯孟僖子論禮

昭公七年

孔子千古禮義之宗孟僖子早知之命其子學禮在春秋時可謂卓識推論孔氏先德邇源成湯以及正考父之主敬世德相承毓為至聖淵源遠矣

九月公至自楚孟僖子病不能相禮

孟僖子魯大夫仲孫貜不能相儀答

郊勞以此為病事在本年三月

乃講學之苟能禮者從之及其將死也

召其大夫

僖子屬大夫

曰禮人之幹也無禮無以立吾聞將

有違者曰孔丘

僖子卒時孔丘年三十五

聖人之後也

聖人殷湯

而滅於

宋

孔子六代祖孔父嘉為宋督所殺其子奔魯

其祖弗父何以有宋而授厲

公

弗父何孔父嘉之高祖宋閔公之子厲公之兄何適嗣當立以讓厲公

及正考父

曾孫孔父嘉之父也

佐戴武宣

三人皆宋君

三命茲益共

三命上卿也

故其

鼎銘云

考父廟之鼎

一命而僂再命而偃三命而俯

俯共於偃偃共

於僂。僂，力主。反。僂，紆。利反。循牆而走。言不敢安行。亦莫余敢侮。饁於是。

鬻於是，以餬余口。於是鼎中為饁。鬻，饁。饁，餬。屬言至儉。其共也如是。臧孫

臣正治曰：孟僖子知孔子之聖。

使懿子與敬叔受學，眼高千古。

但不急引以庸諸公此魯之所

為削也。

紇有言曰：紇，武仲也。聖人有明德者，若不當世，其後必有達

人。今其將在孔丘乎？我若獲沒，必屬說與何忌於夫子。

說，南宮敬叔何忌。孟懿子皆僖子之子。使事之而學禮焉，以定其位。故孟

懿子與南宮敬叔師事仲尼。仲尼曰：能補過者，君子也。

詩曰：君子是則是效。小雅鹿鳴篇。孟僖子可則效已矣。

晉師曠論石言 昭公八年

師曠因性異而進  
正言得諫君之體

臣叔元曰固石  
言而知怨雖緣  
問流轉歸於納  
忠古人災異之  
對皆如此

八年春石言于晉魏榆

魏榆晉地有石忽作人言

晉侯問于師曠曰

石何故言對曰石不能言或馮焉

謂有精神馮依石而言

不然民

聽濫也抑臣又聞之曰作事不時怨讎動於民則有非

言之物而言今宮室崇侈民力彫盡怨讎並作莫保其

性石言不亦宜乎於是晉侯方禁虎祁之宮

虎祁地名在絳西臨

汾水叔向曰子野之言君子哉

子野師曠字

君子之言信

而有徵故怨遠於其身小人之言僭而無徵故怨咎及

之詩曰哀哉不能言匪舌是出唯躬是瘁哿矣能言巧

古者諫無專官前  
後左右執御之職  
咸可諫言規正所  
謂工執藝事以諫  
也膳宰之諫晉君  
饒有古人風義

言如流俾躬處休

小雅雨無正篇

其是之謂乎是宮也成諸侯

必叛君必有咎夫子知之矣

昭十年晉平公卒以成虎祁故諸侯皆有二心昭十

三年復盟  
于平丘

晉屠蒯諫平公

昭公九年

晉荀盈如齊逆女

自為逆

還六月卒于戲陽

魏郡內黃縣北有戲陽城

殯于絳未葬晉侯飲酒樂膳宰屠蒯

禮記作杜蕢

趨入請佐

公使尊

公之使人執尊酌酒請為之佐

許之而遂酌以飲工

工樂師也

女為君耳將司聰也

樂所以聰耳

辰在子卯謂之疾日

疾惡也紂



臣杜誦曰酌以  
自飲其言愈委  
婉而善入悟晉  
侯以全知氏其  
利溥哉

以甲子喪樂以乙卯君徹宴樂學人舍業學人謂習樂之人舍業謂

亡故國君以為忌日不習為疾故也君之卿佐是謂股肱股肱或虧何痛如

之女弗聞而樂是不聰也又飲外嬖嬖叔外都大夫之嬖者曰

女為君目將司明也職在外故主視服以旌禮禮以行事事有

其物物有其容令君之容非其物也有卿佐之喪而作樂歡會故曰非其

物而女不見是不明也亦自飲也曰味以行氣氣以實

志志以定言言以出令臣實司味二御失官而君弗命

臣之罪也公說徹酒初公欲廢知氏而立其外嬖為是

悛而止

知氏即荀氏悛七全反

秋八月使荀躒佐下軍以說焉

躒荀

盈之子知文子也佐下軍代父也說自解說

楚子革對靈王

昭公十二年

楚子狩于州來

地名

次于潁尾

潁水之尾在下蔡西

使蕩侯潘子司

馬督囂尹午陵尹喜

五子楚大夫

帥師圍徐以懼吳

徐嬴姓伯翳之

後

楚子次于乾谿

在譙國城父縣南

以為之援雨雪王皮冠秦

復陶

秦所遺羽衣也

翠被

以翠羽飾被

豹舄

以豹皮為履

執鞭以出僕析

父從

楚大夫

右尹子革夕

子革鄭丹夕莫見

王見之去冠被舍鞭

抑揚頓挫古雋峭  
潔極文勢之奇所  
招一詩見古人諷  
諫遺意

伯厚王應麟曰  
楚之興也筭路  
藍縷其衰也翠  
被豹舄國家之  
興衰視其侈  
而已

臣熙曰敘事雅  
而不俗妙在閒  
處着色文采斐  
然

敬大與之語曰昔我先王熊繹楚始與呂伋齊太公之

王孫牟衛康叔禽父周公並事康王康

成王子康伯四國皆有分我獨無有四國齊晉魯衛今吾使人

於周求鼎以為分禹鑄九鼎三代傳之以為有國之寶王其與我乎對曰

與君王哉昔我先王熊繹辟在荆山在新城沔鄉縣南篳路藍

縷以處草莽跋涉山林以事天子唯是桃弧棘矢以共

禦王事桃弧棘矢以禦不祥齊王舅也成王母齊太公女晉及魯衛王母

弟也楚是以無分而彼皆有今周與四國服事君王將

唯命是從豈其愛鼎王曰昔我皇祖伯父昆吾舊許是

宅

陸終氏生六子長曰昆吾少曰季連季連楚之祖故謂昆吾為伯父昆吾嘗居許地

今鄭人貪

賴其田而不我與我若求之其與我乎對曰與君王哉

周不愛鼎鄭敢愛田王曰昔諸侯遠我而畏晉今我大

城陳蔡不羹

羹音郎

賦皆千乘子與有勞焉諸侯其畏我

乎對曰畏君王哉是四國者專足畏也又加之以楚敢

不畏君王哉工尹路請曰君王命剝圭以為鉞

鉞斧也

柄

也破圭玉以飾斧

敢請命

請制度之命

王入視之析父謂

臣德宜曰楚靈  
驕侈太甚銅蔽  
已深雖感子革  
之言而不能自  
克以及於難故  
宋儒程頤謂一  
日克已非君子  
之大壯不能也

子革吾子楚國之望也今與王言如響國其若之何子

革曰摩厲以須王出吾刃將斬矣

以已喻鋒刃欲自摩厲以斬王之淫慝

王出復語左史倚相趨過

倚相楚史名

王曰是良史也子善

視之是能讀三墳五典八索九丘

皆古書名

對曰臣嘗問焉

昔穆王欲肆其心

周穆王肆極也

周行天下將皆必有車轍馬

跡焉祭公謀父作祈招之詩以止王心

謀父周卿士祈父周司馬世掌

甲兵之職招其名祭公方諫遊行故指司馬官而言此逸詩也

王是以獲没于祗宮

遊觀之宮竹書紀年穆王元年作祗宮於南鄭

臣問其詩而不知也若問遠焉

其焉能知之王曰子能乎對曰能其詩曰祈招之愔愔

式昭德音

愔愔安和貌

思我王度式如玉式如金形民之力

而無醉飽之心

言國之用民當隨其力任如金治之器隨器而制形故言形民之力去其醉飽

過盈之心蓋是時穆王遠游過用民力宴飲無度故其詩如此

王揖而入饋不食寢不

寐數日不能自克以及於難仲尼曰古也有志克己復

禮仁也信善哉楚靈王若能如是豈其辱於乾谿

昭三

楚公子比弑靈王於乾谿

晉荀吳不納鼓叛人

昭公十五年

荀吳不以土地之利而納叛亡恃其食竭力盡然後取之城克而不戮一人在春秋時猶可謂仁者之師

臣正治曰不納叛人是矣請降不許待其食盡力竭而後取似多迂曲然荀吳所以教其民者深遠矣樂殺不幸而以為養寇後之論者何不取圍鼓事觀之

晉荀吳帥師伐鮮虞圍鼓

鼓白狄之別鉅鹿下曲陽縣有鼓聚

鼓人或請

以城叛穆子

荀吳

弗許左右曰師徒不勤而可以獲城何

故不為穆子曰吾聞諸叔向曰好惡不愆民知所適事

無不濟或以吾城叛吾所甚惡也人以城來吾獨何好

焉賞所甚惡若所好何若其弗賞是失信也何以庇民

力能則進否則退量力而行吾不可以欲城而遽姦所

喪滋多使鼓人殺叛人而繕守備圍鼓三月鼓人或請

降使其民見曰猶有食色姑修而城軍吏曰獲城而弗

臣岳頌曰不許  
鼓人之叛而又  
使之殺叛人幾  
於王者之師矣  
文氣簡勁峭轉

古藻詳核班駘離  
奇迷官制處所謂

取勤民而頓兵何以事君穆子曰吾以事君也獲一邑

而教民怠將焉用邑邑以賈怠不如完舊賈怠無卒

卒終

也不能善終

棄舊不祥鼓人能事其君我亦能事吾君率義

不爽好惡不愆城可獲而民知義所有死命而無二心不

亦可乎鼓人告食竭力盡而後取之克鼓而反不戮一

人以鼓子戴鞮歸

戴鞮鼓君名。戴越全反鞮丁兮反

鄭子論官名

昭公十七年

秋鄭子來朝公與之宴昭子問焉曰少皞氏鳥名官何



賢者識其大者

故也

少皞金天氏黃帝之子已姓之祖也問何故以鳥為官

鄭子曰吾祖也我知

之昔者黃帝氏以雲紀故為雲師而雲名

黃帝軒轅氏姬姓之祖也

黃帝受命有雲瑞故以雲紀事百官師長皆以雲為名號緡雲氏蓋其一官也

炎帝氏以火紀

故為火師而火名

炎帝神農氏姜姓之祖也亦有火瑞以火紀事名百官

共工氏

以水紀故為水師而水名

共工以諸侯霸有九州者在神農前大皞後亦受水瑞以

水名大皞氏以龍紀故為龍師而龍名

大皞伏羲氏風姓之祖也有龍

瑞故以我高祖少皞摯之立也鳳鳥適至故紀於鳥為

鳥師而鳥名鳳鳥氏歷正也

鳳鳥知天時故以名歷正之官

玄鳥氏司

則堂家鉉翁曰  
周魯俱衰與章  
闕壞而遠方小  
國之君乃知前

古官名之沿革  
蓋錄之也

臣廷敬曰唐虞  
以前古文散佚  
如此典制非左  
氏孰能詳之遠  
勝公穀二家者  
此亦其一端也

分者也

玄鳥燕也以春分來秋分去

伯趙氏司至者也

伯趙伯勞也以夏至鳴冬

至青鳥氏司啟者也

青鳥鵯鷦也以立春鳴立夏止

丹鳥氏司閉者也

丹鳥鷩雉也以立秋來立冬去入大水為蜃上四鳥皆歷正之屬官祝鳩氏司徒也祝鳩

也鷦鷯故為鷦鷯氏司馬也鷦鷯王鷦也鷦而有別

七徐鵯鳩氏司空也鵯鳩鵯鵯也鵯鳩平水爽鳩氏司寇

也爽鳩鷹也鷩故鷩鳩氏司事也鷩鳩鷩鷩也春來五

鳩鳩民者也鳩聚也治民上五雉為五工正雉有五種

雉東方曰鷩雉南方曰翟雉北方曰鵯雉伊洛之南曰鵯雉鷩鷩攻木之工也鷩雉埴之工也翟雉攻金之

臣乾學曰聖人  
於古帝王遺制  
雖在荒遠寬絕  
猶且汲汲訪之  
聖人所以為百  
世法也若郊子  
之不忘先典賢  
於杞宋矣

工也鵠雉攻皮之工也  
翬雉設五色之工也  
利器用正度量夷民者也  
夷平也

九扈為九農正

扈有九種春扈鵠鵠夏扈竊玄秋扈竊藍冬扈竊黃棘扈竊丹行扈喈喈宵扈

噴噴桑扈竊脂老扈鵠鵠相五土之宜趣民耕種者也竊玄趣民耘苗者也竊藍趣民收斂者也竊黃趣民蓋藏者也

棘扈竊丹為果驅鳥者也行扈喈喈畫為民驅鳥者也宵扈噴噴夜為民驅獸者也桑扈竊脂為蠶驅雀者也老扈鵠鵠趣民收麥今不得晏起者也

淫者也  
使不淫故  
自顓頊以來不能紀遠乃紀於近

為民師而命以民事則不能故也  
顓頊氏代少皞者德不能致遠瑞而以民

事命仲尼聞之見於郊子而學之  
於是仲尼既而告人

官  
於二十八年

曰吾聞之天子失官學在四夷猶信

失官官不修其職傳言聖人無常師

晏子諫誅祝史昭公二十年

齊侯疥遂疔

疔瘡疾也失廉反

期而不瘳諸侯之賓問疾者多

在梁丘據與裔款言於公曰

二子齊嬖大夫

吾事鬼神豐於先

此篇言當以誠信事鬼神而福佑自至不當歸咎於祝史可破從來矯誣之惑文則典正弘麗博辯多姿

君有加矣今君疾病為諸侯憂是祝史之罪也諸侯不

知其謂我不敬君盍誅於祝固史嚚以辭賓公說告晏

子晏子曰日宋之盟

日往日也宋盟在襄二十七年

屈建問范會之德

於趙武

屈建即楚子木范會即晉士會范武子

趙武曰夫子之家事治言

臣鴻緒曰晏嬰引君修德行仁因事進規婉而易入景公能即

聽納要是令主

臣英曰極言竭  
論詞采典辭轉  
折搏撓處彌見  
古為峭拔

於晉國竭情無私其祝史祭祀陳信不媿其家事無猜

其祝史不祈建以語康王

子楚

康王曰神人無怨宜夫子

之光輔五君以為諸侯主也

五君文襄靈成景

公曰據與款謂

寡人能事鬼神故欲誅於祝史子稱是語何故對曰若

有德之君外內不廢

無廢事

上下無怨動無違事其祝史

薦信無媿心矣是以鬼神用饗國受其福祝史與焉其

所以蕃祉老壽者為信君使也其言忠信于鬼神其適

遇淫君外內頗邪上下怨疾動作辟違從欲厭私高臺

深池撞鐘舞女斬刈民力輸掠其聚以成其違不恤後

人暴虐淫從肆行非度無所還忌

顧忌也

不思謗讟不憚

鬼神神怒民痛無悛於心其祝史薦信是言罪也其蓋失數美是矯誣也進退無辭則虛以求媚是以鬼神不饗其國以禍之祝史與焉所以天昏孤疾者為暴君使也其言僭慢於鬼神公曰然則若之何對曰不可為也

言非誅祝史所能治

山林之木衡鹿守之澤之萑蒲舟鮫守之藪

之薪蒸虞候守之海之鹽蜃祈望守之

衡鹿舟鮫虞候祈望皆官名也

臣士奇曰神無  
常享享於克誠  
不信史之祝而  
信民之詛故善  
祝無詛

言公專守山澤之利不與民共。崔音完麗曰薪細曰蒸縣鄙之人入從其政偏介

之關暴征其私介隔也迫近都國之關言邊鄙既入服政役又為近關所征稅枉暴奪其私物

承嗣大夫强易其賄承嗣大夫世位也布常無藝藝法制也言布政無法制

徵斂無度宮室日更淫樂不違內寵之妾肆奪於市外

寵之臣僭令於鄙私欲養求不給則應不給則應之以罪民人

苦病夫婦皆詛祝有益也詛亦有損聊攝以東聊攝齊西界也

平原聊城縣姑尤以西姑尤齊東界也姑水尤水其為

人也多矣雖其善祝豈能勝億兆人之詛君若欲誅於

祝史修德而後可公說使有司寬政毀闕去禁薄斂已

責除通責

晏子論梁丘據昭公二十年

十二月齊侯田于沛

沛澤名

招虞人以弓不進

虞人掌山澤之官

晏子辨和同議論  
極正大條暢可裨  
廟謨

公使執之辭曰昔我先君之田也旃以招大夫弓以招

士皮冠以招虞人臣不見皮冠故不敢進乃舍之仲尼

曰守道不如守官

君招當往道之常也  
非物不進官之制也

君子韙之韙是也

齊侯至自田晏子侍于遄臺子猶馳而造焉

遄臺臺名  
子猶梁丘



臣正治曰晏子  
和同之對後世  
論朋黨者皆本  
諸此與鳩氏一  
段以諧語為歲  
規含蘊無盡

據公曰唯據與我和夫晏子對曰據亦同也焉得為和

公曰和與同異乎對曰異和如羹焉水火醯醢鹽梅以

烹魚肉燂之以薪

燂煇也。燂章善反。

宰夫和之齊之以味濟其

不及以洩其過君子食之以平其心君臣亦然君所謂

可而有否焉臣獻其否以成其可君所謂否而有可焉

臣獻其可以去其否是以政平而不干民無爭心故詩

曰亦有和羹既戒既平商頌烈祖篇酸醎無言時靡有爭

先

王之濟五味和五聲也以平其心成其政也聲亦如味

一氣

樂須氣以動

二體

舞者有文武

三類

風雅頌

四物

雜用四方之物以成器

五聲

宮商角徵羽

六律

黃鐘太簇姑洗蕤賓夷則無射也

七音

宮商角徵羽變宮變徵也

八風

八方之風

九歌

九功之德皆可歌也六府三事謂之九歌

以相成也

清濁小

大長短疾徐哀樂剛柔遲速高下出入周疏以相濟也

君子聽之以平其心心平德和故詩曰德音不瑕

幽風狼跋

篇

今據不然君所謂可據亦曰可君所謂否據亦曰否

若以水濟水誰能食之若琴瑟之專壹誰能聽之同之

不可也如是飲酒樂公曰古而無死其樂若何晏子對

臣莫曰弓招而  
虞人不至由斯  
義也必不與君  
同可否即所謂  
和也矣鳴數言  
殊快

此篇論禮首舉天  
經地義洞見本源  
故議論精微闊暢  
禮運禮器諸篇悉  
本於此

曰古而無死則古之樂也君何得焉昔爽鳩氏始居此

地

爽鳩氏少皞氏之司寇也

季荊因之

季荊虞夏諸侯代爽鳩氏者

有逢伯陵因

之

逢伯陵殷諸侯姜姓

蒲姑氏因之

蒲姑氏殷周之間代逢公者

而後大公因

之古若無死爽鳩氏之樂非君所願也

鄭子大叔對趙簡子論禮

昭公二十五年

夏會于黃父謀王室也

王室有子朝亂謀定之事在昭二十四年

趙簡子令

諸侯之大夫

趙簡子趙鞅

輸王粟具戍人曰明年將納王子大

叔見趙簡子簡子問揖讓周旋之禮焉對曰是儀也非

臣乾學曰推本制禮之意足以經緯萬端三代而下知者蓋鮮

禮也簡子曰敢問何謂禮對曰吉也聞諸先大夫子產

曰夫禮天之經也地之義也民之行也天地之經而民

實則之則天之明因地之性生其六氣謂陰陽風雨晦明用其

五行氣為五味發為五色章為五聲淫則昏亂民失其

性是故為禮以奉之為六畜馬牛羊雞犬豕五牲麋鹿麀狼兔三犧

祭天地宗廟以奉五味為九文謂山龍華蟲藻火粉米黼黻也六采繪畫

之事雜用天地四方之色青與白赤與黑玄與黃皆相次謂之六色五章以奉五色青與赤謂

之文赤與白謂之章白與黑謂之黼黑與青謂之黻五色備謂之繡集此五章以奉成五色之用為九

臣杜誦曰禮以承天之道治人之情左氏探抉本原闡揚奧蘊義精而博詞簡而該司馬荀子之論舉不能出其範圍

歌八風七音六律以奉五聲為君臣上下以則地義為

夫婦外內以經二物

夫治外婦治內各治其物

為父子兄弟姑姊甥

舅昏媾姻亞以象天明

言其親疎倫序比象於天文之行列

為政事庸力

行務以從四時

民功曰庸治功曰力行其德教務其時要

為刑罰威獄使民

畏忌以類其震曜殺戮為溫慈惠和以效天之生殖長

育民有好惡喜怒哀樂生于六氣是故審則宜類

審其法則

宜其以制六志

為禮以制好惡喜怒哀樂六志使不過節

哀有哭泣樂有歌

舞喜有施舍怒有戰鬪喜生於好怒生於惡是故審行

信令禍福賞罰以制死生生好物也死惡物也好物樂也惡物哀也哀樂不失乃能協于天地之性是以長久簡子曰甚哉禮之大也對曰禮上下之紀天地之經緯也民之所以生也是以先王尚之故人之能自曲直以赴禮者謂之成人夫不亦宜乎簡子曰鞅也請終身守此言也

晏子論穰彗

昭公二十六年

齊有彗星齊侯使穰之晏子曰無益也祇取誣焉天道

晏子首論彗星謂  
修德可以勝災繼

論陳氏謂修禮可  
以已亂古人因事  
納忠之義切矣齊  
侯悅其言而不能  
用殆所謂悅而不  
繹者與

不諂不貳其命若之何禳之且天之有彗也以除穢也

君無穢德又何禳焉若德之穢禳之何損詩曰惟此文

王小心翼翼昭事上帝聿懷多福厥德不回以受方國

大雅大明篇君無違德方國將至何患於彗詩曰我無所監

夏后及商用亂之故民卒流亡逸詩也若德回亂民將流

亡祝史之為無能補也公說乃止齊侯與晏子坐于路

寢路寢正寢也公歎曰美哉室其誰有此乎晏子曰敢問何

謂也公曰吾以為在德對曰如君之言其陳氏乎陳氏

雖無大德而有施於民豆區釜鍾之數其取之公也薄

謂以公量收

其施之民也厚

謂以私量貸

公厚斂焉陳氏厚施焉

民歸之矣詩曰雖無德與女式歌且舞

小雅車韋篇

陳氏之

施民歌舞之矣後世若少情陳氏而不亡則國其國也

已公曰善哉是可若何對曰唯禮可以已之在禮家施

不及國民不遷農不移工賈不變士不濫官不滔大夫

不收公利公曰善哉我不能矣吾今而後知禮之可以

為國也對曰禮之可以為國也久矣與天地並君令臣

臣叔元曰禮災以德為國以禮則天人僑應之帝王之道備矣晏子之言真根本之論



臣岳頌曰修德  
莫大乎敬天敬  
天莫先乎勤民  
民心和斯天象  
順晏子兩引詩  
最是稷契要旨

尚德緩刑為治之  
要斯篇與鄭鑄刑  
鼎同意文復簡潔

共父慈子孝兄愛弟敬夫和妻柔姑慈婦聽禮也君令  
而不違臣共而不貳父慈而教子孝而歲歲諫也兄愛而  
友弟敬而順夫和而義妻柔而正姑慈而從婦聽而婉  
禮之善物也公曰善哉寡人今而後聞此禮之上也對  
曰先王所稟於天地以為其民也是以先王上之

仲尼論晉鑄刑鼎

昭公二十九年

冬晉趙鞅荀寅帥師城汝濱

趙鞅趙武孫也荀寅中行荀吳之子汝濱晉所取陸

渾地遂賦晉國一鼓鐵以鑄刑鼎

三十斤為鈞鈞四為石  
石四為鼓蓋用四百八

十斤鐵著范宣子所為刑書焉仲尼曰晉其亡乎失其度

矣夫晉國將守唐叔之所受法度以經緯其民卿大夫

以序守之民是以能尊其貴貴是以能守其業貴賤不

愆所謂度也文公是以作執秩之官為被廬之法傷二十七

年文公蒐被廬以為盟主今棄是度也而為刑鼎民在修唐叔之法

鼎矣何以尊貴棄禮傲書故不尊貴貴何業之守民不奉上則上失業貴賤

無序何以為國且夫宣子之刑夷之蒐也晉國之亂制

也范宣子所用刑乃夷蒐之法也夷蒐在文六年一蒐而三易中軍帥賈季箕鄭之徒遂作亂故曰亂制

臣熙曰鄭鑄刑書叔向譏之曾幾何時晉又賦鐵以鑄春秋之本日就欽急是以聖人在御務高德而黷刑

若之何以為法蔡史墨曰范氏中行氏其亡乎

蔡史墨即蔡墨

中行寅為下卿而干上令擅作刑器以為國法是法姦

也又加范氏焉

范宣子刑書中既廢矣今復興之是成其咎

易之亡也其及

趙氏趙孟與焉然不得已若德可以免

定十三年荀寅士吉射入朝歌

叛以

邾黑肱以濫奔魯

昭公三十一年

冬邾黑肱以濫來奔賤而書名重地故也

黑肱非命卿故曰賤君

邾黑肱以賤而書名惡之也不使叛亡者得掩其名則人皆知所儆畏此

子曰名之不可不慎也如是

是黑肱也

夫有所有名而不如

春秋筆削之法所謂一字之誅嚴於斧鉞也

水心葉適曰以濫來奔求名而為不義不求名而為貪後世之敝無不然害教之大者此道之所以喪也故曰微而顯婉而辨若亂臣賊子則其法素具矣不待聖人也

其已有所謂有地也言雖有以地叛雖賤必書地以名名不如無名已止也

其人終為不義弗可滅已是故君子動則思禮行則思

義不為利回不為義疚或求名而不得或欲益而名章

懲不義也齊豹為衛司寇守嗣大夫守先人嗣言其尊作而不

義其書為盜求名而不得也二十年豹殺衛侯兄欲求不畏強禦之名邾庶其在襄二十

年莒牟夷在五邾黑肱以土地出求食而已不求其名

賤而必書春秋叛者多唯取三人來適魯者三人皆小國大夫故曰賤此二物者所

以懲肆而去貪也物事也肆放也齊豹書盜懲肆也三叛人名去貪也。去上聲若艱

臣德宜曰小人  
身冒不韙每不  
暇顧身後之名  
而天良未必全  
昧此之書名亦  
懲所謂章其所  
欲蓋者也

臣廷敬曰宜書  
名而不書名不  
必書名而書名  
聖人具有深意  
得此闡發始知  
春秋發凡起例  
大旨此立明之  
所以為素臣也

難其身

身為艱難

險危大人

大人在位者

而有名章徹

謂得勇名

攻難

之士將奔走之

攻猶作也奔走猶赴趣也。難去聲。

若竊邑叛君以傲大

利而無名

謂不書其名。微音澆。

貪冒之民將寘力焉

盡力為之。不顧於見

書。冒亡北反。又亡報反。

是以春秋書齊豹曰盜三叛人名以懲不

義數惡無禮其善志也

無禮惡逆皆數而不志。記事之善者也。數所主反。

故曰

春秋之稱微而顯

文微而義著。稱尺證反。婉而辨。辭婉而旨別。

上之人

能使昭明

上之人謂在位者能行其法。

善人勸焉淫人懼焉是以君

子貴之

此篇歷舉先世典故文勢洋洋纘纘如湖如海理正而詞采復工

仁山金履祥曰自二伯以來未有威於召陵之會卑馳之盟者劉文公定敬王城成周會早八

衛祝佗爭先蔡

定公四年

四年春三月劉文公合諸侯于召陵謀伐楚也晉荀寅

求貨于蔡侯弗得

劉文公名卷周畿內諸侯荀寅中行文子

言於范獻子曰

國家方危諸侯方貳將以襲敵不亦難乎水潦方降疾

瘡方起中山不服

中山鮮虞

棄盟取怨無損於楚而失中山

不如辭蔡侯吾自方城以來楚未可以得志

晉敗楚侵方城在襄

十六年祇取勤焉乃辭蔡侯晉人假羽旄於鄭鄭人與之

析羽為旄王者游車之所建鄭私有之

明日或旃以會

或賤者也繼旃

晉

國之君保夏懷  
速攘楚尊王于  
是在矣乃壞於  
晉荀寅之取貨  
不能以義正諸  
侯而虛為此會  
也中國於是不  
復振矣

於是乎失諸侯將會衛子行敬子言於靈公曰會同難

嘖有煩言莫之治也其使祝佗從

祝佗大祝子魚

公曰善乃使

子魚子魚辭曰臣展四體以率舊職猶懼不給而煩刑

書若又共二微大罪也且夫祝社稷之常諫也社稷不

動祝不出竟官之制也君以軍行被社釁鼓

師出先有事被禱於

社謂之宜社於是殺牲以血塗鼓釁為釁鼓

祝奉以從

奉社主也

於是乎出竟若

嘉好之事君行師從卿行旅從

二千五百人為師五百人為旅

臣無事

焉公曰行也及臯鼫

鼫由反

將長蔡於衛衛侯使祝佗私

於萇弘曰聞諸道路不知信否若聞蔡將先衛信乎萇  
弘曰信蔡叔康叔之兄也先衛不亦可乎子魚曰以先  
王觀之則尚德也昔武王克商成王定之選建明德以  
藩屏周故周公相王室以尹天下

尹正也

於周為睦分魯

公以大路大旂

魯公伯禽也大路金路錫同姓諸侯車也交龍為旂

夏后氏之璜

璜美玉名封父之繁弱

封父古諸侯也繁弱大弓名

殷民六族條氏徐氏

蕭氏索氏長勺氏尾勺氏使帥其宗氏輯其分族將其

類醜

醜衆也

以法則周公用即命於周是使之職事於魯

臣鴻緒曰祝鮀  
援引古制典核



而辨給遂杜強  
晉之口博雅幾  
與鄭僑倫矣但  
其行誼不純故  
孔子斥之為佞

臣英曰並建號  
親猶必崇賢尚  
德使生而富貴  
者皆思束身修

以昭周公之明德分之土田陪敦陪增也敦厚也祝宗卜史備

物典策官司彝器因商奄之民商奄國名命以伯禽而封於

少皞之虛少皞虛曲阜也分康叔以大路少帛績茂旃旌少帛雜帛

也績茂大赤取染草名也通帛為旂○績倉殿切與齒同茂步貝反大呂鐘名殷民七族陶

氏施氏繁氏錡氏樊氏饑氏終葵氏封畛土畧自武父

以南及圃田之北竟畛塗所徑也畧畧界也武父衛北界圃田鄭藪名取於有閭

之土以共王職有閭衛所受朝宿邑蓋近京畿取於相土之東都以會

王之東蒐為湯沐邑王東巡狩以助祭泰山昉季授土昉季周公弟司空陶叔

行以自勵於善  
可謂貽之以安  
矣

授民

陶叔司徒

命以康誥而封於殷虛皆啟以商政疆以周

索

皆魯衛也啟開也居殷故地因其風俗開用其政疆理土地以周法索法也

分康叔以大

路密須之鼓

密須國名昔周文王伐密須獲其大鼓

闕鞏

甲名姑洗鐘

懷姓

九宗職官五正

懷姓唐之餘民九宗一姓為九族職官五正五官之長

命以唐誥

而封於夏虛

夏虛大夏今太原晉陽也

啟以夏政

亦因夏風俗開用其政

疆以

戎索

太原近戎而寒不與中國同故自以戎法

三者皆叔也

周公康叔成王叔父唐叔康王

叔父故曰皆叔

而有令德故昭之以分物不然文武成康之伯

猶多而不獲是分也唯不尚年也管蔡啟商其間王室

臣乾學曰尚德  
不高年且不論  
昭穆文武成康  
所以親同姓之  
國而秩然不紊  
者如此

也甚毒

王於是乎殺管叔而蔡蔡叔

蔡音薩與蔡同流放罪人言放之若散米

也以車七乘徒七十人其子蔡仲改行帥德周公舉之

以為已卿士見諸王而命之以蔡其命書云

尚書蔡仲之命王

曰胡

胡蔡仲名

無若爾考之違王命也若之何其使蔡先衛

也武王之母弟八人周公為太宰康叔為司寇聃季為

司空五叔無官豈尚年哉

五叔管叔鮮蔡叔度成叔武霍叔處毛叔聃也

曹文

之昭也

文王子與周公異母

晉武之穆也

武王子

曹為伯甸非尚年

也

曹以伯爵居甸服言小於晉文昭國反小武穆國反大故知非尚年也

今將尚之是反

先王也晉文公為踐土之盟衛成公不在衛二十八年

楚不在夷叔即衛叔武其母弟也猶先蔡其載書云王若曰

時王子虎盟諸侯故稱王命晉重文魯申衛武叔蔡甲午莊侯鄭捷

文齊潘昭公宋王臣成公莒期茲平公也藏在周府可覆視也吾

子欲復文武之畧而不正其德將如之何萇弘說告劉

子與范獻子謀之乃長衛侯於盟反自召陵鄭子大叔

未至而卒晉趙簡子為之臨甚哀曰黃父之會在昭二十五年

夫子語我九言曰無始亂無怙富無恃寵無違同無教

聖人於樽俎之間  
雍容片言折強鄰  
之威合二國之好  
反汶陽之田良由  
威德動人詞嚴而  
義正也

則堂家鉉翁曰  
犁彌之奸萊夷  
之劫使非吾聖  
人相禮動容貌

禮無驕能無復怒無謀非德無犯非義

孔子相夾谷之會

定公十年

夏公會齊侯於祝其實夾谷孔丘相犁彌言於齊侯曰

孔丘知禮而無勇若使萊人以兵劫魯侯必得志焉萊人

齊所滅萊夷也齊侯從之孔丘以公退曰士兵之兩

君合好而裔夷之俘以兵亂之非齊君所以命諸侯也

裔不謀夏夷不亂華俘不干盟兵不偪好於神為不祥

於德為愆義於人為失禮君必不然齊侯聞之遽辟之

出辭氣有以格  
齊人之強暴則  
定公幾不獲免  
而魯之危甚矣

臣士奇曰從容  
定變一無聲色  
須於此識得聖  
人溫良恭儉讓  
處

辟去萊兵也

將盟齊人加於載書曰齊師出竟而不以甲車

三百乘從我者有如此盟孔丘使茲無還揖對曰茲無還魯

大而不反我汶陽之田吾以共命者亦如之汶陽田即鄆謹龜陰

田齊侯將饗公孔丘謂梁丘據曰齊魯之故吾子何不

聞焉故舊典事既成矣而又饗之是勤執事也且犧象不

出門嘉樂不野合犧象酒器犧尊象尊也嘉樂鐘磬也饗而既具是棄禮

也若其不具用秕稗也秕穀不成者稗草之似穀者言饗不具禮纖薄若秕稗○秕音

鄙稗皮賣反用秕稗君辱棄禮名惡子盍圖之夫饗所以昭

國之強弱視其君  
之志氣志氣振舉  
則國勢日強志氣  
頹靡則國勢日削  
自古未有不動恤  
其民而可以戰勝  
攻取者也觀闔廬  
夫差之勝敗並可  
見矣

德也不昭不如其已也乃不果饗齊人來歸鄆謹龜陰  
之田

楚子西論夫差將敗

哀公元年

吳師在陳

是年八月  
吳侵陳

楚大夫皆懼曰闔廬惟能用其民

以敗我於柏舉

闔廬吳王事  
在定四年

今聞其嗣又甚焉將若之

何子西曰二三子恤不相睦無患吳矣昔闔廬食不二

味居不重席室不崇壇器不彤鏤宮室不觀

觀臺  
榭

舟車

不飾衣服財用擇不取費在國天有菑癘親巡其孤寡

少春穆文熙曰  
闔廬恤民所以  
敗楚夫差勞民  
所以自敗古今  
興亡無不由此

臣杜訥曰吳師  
方張子西料其  
必敗與申胥之  
言若合符節

聖人論國賦處要  
言不煩故易曰吉

而共其乏困在軍熟食者分而後敢食其所嘗者卒乘  
與焉勤恤其民而與之勞逸是以民不罷勞死知不曠  
吾先大夫子常易之所以敗我也易猶反也今聞夫差次有  
臺榭陂池焉宿有妃嬙嬪御焉一日之行所欲必成玩  
好必從珍異是聚觀樂是務視民如讐而用之日新夫  
先自敗也已安能敗我二十二年越滅吳

仲尼論用田賦

哀公十一年

季孫欲以田賦

丘賦之法因其田財通出馬一匹牛三頭今欲別其田及家財各為一賦故言



八之辭寡

草廩異滋曰宣  
公稅畝首壤井  
田什一之法則  
賦民之財也非  
古矣成公作丘  
甲賦民之力者  
非古矣至哀公  
用田賦而民財  
民力竭矣

田賦使冉有訪諸仲尼仲尼曰丘不識也三發卒曰子為

國老待子而行若之何子之不言也仲尼不對而私於

冉有曰君子之行也度於禮施取其厚事舉其中斂從

其薄如是則以丘亦足矣

丘十六井出戎馬一匹  
牛三頭是賦之常法

若不

度於禮而貪冒無厭則雖以田賦將又不足且子季孫

若欲行而法則周公之典在若欲苟而行又何訪焉弗

聽明年用田賦。按文武之教之入人甚深自詩書所  
載而外惟左氏為備當是時強陵衆暴天下靡然驚

於戰爭然而列國諸侯朝會聘問則有玉帛以將之好  
會讎飲則有歌詩以侑之強大之侵伐於小國則稱王

制以折之其不幸而至於兩軍相遇則猶有辭命以先之執榼承飲以勞之使人至今得想見先王之遺風者左氏之書也至其親受於夫子釋經之例尤詳杜預謂將令學者原始要終尋其枝葉究其所窮是矣自漢以來學者但知尊公穀兩家以空文說經而左氏之學中晦賴劉歆固請得立學官然其所記間有浮夸好奇之病如長狄蒙如兄弟之類或昧於大體如周鄭交質之類或是非瞽亂如晉侯使呂相絕秦之類今皆不取其尤粹者為四卷冠之於編首

御選古文淵鑒卷四